

「香港藝術發展獎終身成就獎」得獎感言

用57年時間，由自己嘅興趣，
變到今日得到「香港文化藝術界」嘅肯定，
得到「終身成就獎」，我非常「感恩」。

另外，
我知道過去所有「終身成就獎」得主，
都係我相當敬重嘅前輩同埋大師，
好似查良鏞博士、劉以鬯教授、
饒宗頤教授...等等，每一位嘅地位，
都係舉足輕重；

另外有好幾位得主更加係我業界德高望重嘅大人物：
好似流行音樂界嘅顧嘉輝先生；
舞蹈界嘅曹誠淵博士，同埋劉兆銘老師；
舞台劇界嘅鍾景輝老師；
亦有為藝術表演場地作出重大貢獻嘅陳達文先生；
當然，
仲有粵劇表演藝術家白雪仙女士！

我唔敢講自己擁有媲美佢哋嘅成就，
但係能夠喺香港文化藝術界同佢哋齊名，
我絕對係「無憾」！

至於今次得到「終身成就獎」，
其實唔單止係一份榮譽，
亦係提醒我喺嚟緊日子，
要繼續努力、繼續認真對待我每一個演出，
同埋要為業界、為新一代嘅文化藝術工作者，
造就更多機會，肩負承傳嘅使命。

最後，

要衷心多謝大會頒發呢個獎畀我，
更要多謝呢57年，
栽培過我、啟發過我、
指導過我、相信過我嘅每一位；
同埋特別要多謝一班一直愛護我、支持我嘅
歌迷、劇迷、戲迷，
仲有，
非常多謝我嘅另一半，羅家英先生，
一直嘅陪伴及互相鼓勵。

多謝大家。